

# Fundau il Center da formaziun Surselva

Ord il rapport da gestiun 2009 dalla Regiun Surselva (5)

DA MARTIN CABALZAR

■ Il niev creau Center da formaziun Surselva cumpeggia la scola mercantila, la scola professiunala, la scola vnavon sco era la scola da musica ed il survetsch logopedic. Sco menader da quei center ha la Regiun Surselva eligiu Curdin Tuor da Trun. Tenor il cau dil departament per formaziun ella suprazonza regiunala *Martin Mathiuet* ei la finamira da quei niev Center da formaziun Surselva da trer a nez las sinergias denter las differentas scolas sil scalem secundar II e da migliorar la cooperaziun vicendeivla. Plinavon vul la Regiun Surselva cheutras era rinforzar la posiziun dalla Surselva enviers il cantun en fatsgs da scolaziun e francar Glion sco center da formaziun era a liunga vesta.

## Classa da talents Surselva

Sco quei che la Regiun Surselva scriva el rapport annual ei igl empren onn da menaschi dalla Classa da talents Surselva staus in success. En tut han 16 affons cun talents specials sil sectur dil sport e dil art frequentau l'emprema classa da talents igl onn da scola 2008/2009. Duront la fasa da svilup da treis onns separicipescha la Regiun Surselva a quella purschida unica ed innovativa pil Gri-schun cun annualmein 25 000 francs.

## Scola da musica Surselva

Il diember da scolars dalla Scola da musica Surselva ei carschius danovamein sin 1130 scolars. In augment da participonts ha ins constatau cunzun tier la sparta da musica instrumentala nua ch'ins ha era scaffiu la pussevividad da sunar da cumionza en ensembles e tier ils instruments acustics. Quella occupaziun dubla d'instrucziun singula cumbinada cun l'instrucziun en gruppa seigi dada specialmein en egl onn vargau, constatescha il menader dalla scola da musica *Claudio Simonet*. Plinavon seigi la tendenza da substituir il keyboard cul stagepiano ed il schumber culla batteria semanifestada. Savens seigi l'elecziun dil instrument era dependenta dalla persuna d'instrucziun. Adina dapli calamita hagien era bands da scolars che veglien vegnir instrui a moda professiunala ed ils cuors d'improvvisaziun. Mo enteifer la Surselva detti ei rondund in tozzel talas formaziuns. Success ha era la formaziun da cant dalla Scola da



Igl onn vargau ei vegniu aviert a Glion la Scola da talents Surselva. Nossa foto muossa il menader Gieri Martin Tschuur ensemen cun scolars.

FOTO: N. SIMMEN

musica Surselva giu. La presentaziun dil «High School Musical», al qual 60 cantaduras e cantadurs, acturas ed acturs, saltunzas e saltunzs ed in'atgna band han cooperau, hagi fatg tutta honur alla scola da musica.

El rom d'ina «spassegiada musicala» culla presentaziun d'instruments a Vella han ils visitaders saviu veser ed udir la purschida d'instrucziun musicala en biaras produziuns da solo ed ensemble. Era ils differents musicals e concerts d'exercezi che han giu liug en differents loghens han cattu en engrazievel auditori.

Damai che la taxas per l'instrucziun da musica eran buca vegnidadas adattadas dapi igl onn 1993 hagi la taxa da cuors ussa stuiu vegnir alzada per 8 per-tschien.

## Survetsch logopedic Surselva

Il Survetsch logopedic Surselva seigi actualmein en ina fasa transitorica che hagi caschunau bia midadas e malsegirtads era en connex culla politica da scola. Parallelmein cun las fatschentas currentas ha il Survetsch logopedic Surselva era elaborau in concept regiunala per la purschi-

da pedagogic-terapeutica. La Regiun Surselva sestenta da saver porscher allas vischnauncas resp. als purtaders da scola il sustegn logopedic necessari sco era ulteriuras mesiras pedagogic-terapeuticas per affons e giuvenils che drovan in sustegn supplementar. Sco quei che la menader dil Survetsch logopedic Surselva *Lucia Lechmann Carigiet* constatescha sappien biars affons denton buca vegnir susteni a moda optimala damai ch'ins hagi memia paucas logopedas romontschas. Scolars cun medems disturbis vegnan perquei magari reuni en pintgas gruppas.

Cun *Ingrid Meyer Weber* e *Barbara Köppl* ha il Survetsch logopedic Surselva saviu engaschar duas logopedas cun experienza sil sectur medicinal-terapeuti. Il diember da lecziuns cun persunas carschidas ei s'augmentaus igl onn vargau per rondund 90 lecziuns. Ferron che pazients staziunars vegnan tractai el spital, san pazients ambulants frequentar da niev las lecziuns da logopedia ellas localitads dalla secziun d'ergoterapia a Glion. Malgrad ch'il project da terapia da lungatg per carschi seigi vegnius lantschus cun grond optimissem seigi el us-

sa periclitous entras il concordat dallas cassas da malsausns.

## Collaboraziun interdisciplinara e lavur publica

Sut las cundiziuns actualas pretendi la planisaziun d'ina terapia optimala ina collaboraziun aunc pli stretga denter ils differents partenaris sco las terapeutas, il survetsch psicologic da scola, il center da cumpetenza per la scolaziun speciala ella Casa Depuoz, las direziuns dallas scolas, las persunas d'instrucziun sco era il Survetsch cantunala da pedagogia curativa, la secziun d'ergoterapia dalla Crusch co-tschna ed ils miedis.

Il messadi principal dalla lavur da publicitad digl onn vargau seigi stau: «Disturbis da lungatg basegnan ina examinaziun/diagnosa precisa e silsunter ina terapia sistemata». Pli baul ch'ina intervenziun terapeutica succedi e pli grondas che las schanzas da migliorar ni normalisar il disturbis seigien. Quei vali per tut ils secturs: lungatg, vusch, laguoter, leger e scriver. En connex cul «Di europeic dalla logopedia» han differents arranschaments per informar e sensibilisar ils geni-

turs e la publicitad per la lavur dallas logopedas e dils therapeuts giu liug.

## Promoziun dad affons fetg talentai

Mintga margis suentermiezdi s'entaupa ina gruppa d'affons fetg talentai ord l'entira Surselva a Glion per frequentar l'instrucziun speciala en ina gruppa da promoziun. Ils davos onns ha quella gruppa consistiu da 5 entochen 8 scolars. Il program da promoziun cuntegn elements linguistics, matematics, scientifics, creativs, filosofics etc. Alla fin digl onn da scola han liug mintgamai dus dis da promoziun intensivs ensemen cun scolars fetg talentai ord autras regiuns. Quei munti lu era il punct culminont digl onn da scola. Las pli impurtontas finamiras da quella promoziun seigi ch'els affons vegnien confruntai cun veras sfidas che meinan els als cunfins da lur capacitads intellectualas. Ils temas che vegnan tractai figureschan buc el plan d'instrucziun e pretendan perscrutaziuns independentas ed individualas.

Plinavon ha ins eruiu entgins scolars cun talents specials sil sectur dil sport e dalla musica che gaudan silsunter ina promoziun sistemata.

reclama

## Innovation à la carte bei allen Citroën-Modellen.

MY PROMO

WIR WÄHLEN SELBER!

- Leasing 2,9%**
- oder
- Bonus-Prämie Fr. 2'500.-**
- oder
- Eintauschofferte Plus**

Mit den aktuellen Angeboten kumulierbar

**CITROËN C4 Picasso ab Fr. 23'990.-**

Näheres dazu erfahren Sie bei Ihrem Citroën-Händler oder unter [www.citroen.ch](http://www.citroen.ch)

**CITROËN**

CRÉATIVE TECHNOLOGIE

CITROËN empfiehlt TOTAL

Die Angebote gelten für alle zwischen dem 1. September und dem 30. November 2010 verkauften und immatrikulierten Citroën-Fahrzeuge, ausgenommen Citroën DS3, Neuer C4 und Nutzfahrzeuge. Prämien-Beispiel: C4 Picasso 1.6 VTI 120 5-Gang Essentiel, Nettopreis Fr. 29'050.-, Rabatt Fr. 2'560.-, Dauertiefpreis Fr. 26'490.-, Bonus-Prämie Fr. 2'500.-, Fr. 23'990.-, Verbrauch gesamt 6,9 l/100 km; CO<sub>2</sub>-Emission 159 g/km; Treibstoffverbrauchs-kategorie B. CO<sub>2</sub>-Durchschnitt aller angebotenen Fahrzeugmodelle 204 g/km. Leasing-Beispiel: 2,9 % Leasingzins/Jahr, 48 Monatsraten zu Fr. 229.-, 10'000 km/Jahr, Restwert Fr. 9'203.-, erste Miete um 30 % erhöht. Vollkaskoversicherung obligatorisch. Maximal 2,94 % effektiver Jahreszins. Unter Vorbehalt der Genehmigung durch Citroën Finance, Division der PSA Finance Suisse SA, Ostermündigen. Eine Kreditvergabe ist verboten, falls sie zur Überschuldung des Konsumenten führt. Die Höhe der Eintauschofferte Plus ist vom Zustand Ihres alten Fahrzeugs abhängig; Ihr Citroën-Händler unterbreitet Ihnen dazu gern ein Angebot. Empfohlene Verkaufspreise. Angebote gültig für Privatkunden, nur bei den an der Aktion beteiligten Händlern. Abbildung nicht verbindlich.